



Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

Art. I. Ingressus in rem. Mnemosynon Magistri valedicentis

[urn:nbn:de:hbz:466:1-46065](#)

dispositis ad copulationem cum alijs, ut nec malleo, nec securi, nec ferro opus fuerit, ad melius aptandos, tamen ad firmitatem iuncturæ necessarium erat adhibere materiam intermediate, quæ copularentur, ac firmiter cohererent. Hac communiter solet esse Calx, vel vda, vel harenato lita, vel alio modo intrita, ut esse posse ferrumen camentorum, unde & camentum vocetur, quamvis hoc propriè sit lapis rudis, nondum cæsus. Omnem talem materiam Glutino designo, licet hoc specificè sumptum ad collam constringatur, sed nos Gluten vel Glutinum latius sumimus. Qua acceptance dictum reperio, ædificatores Templi, (a) Salomonice calcè lapides inter se conglutinasse.

Quis autem sit optimus usus Glutini apud Ædificatores, Domus Sapientia, docui olim Auditores meos, quos in Philosophia Aristotelica triennio erudieram, cum ijs, a solo Philosophia curriculo, valedicerem, (b) hoc relicto Memoriali, ut Quilibet, si optimè sibi consultum vellet, DEO Sapientia Domino arctissime agglutinaretur. Quod ultima apud ipsos prælectione factum. Quam si hic transferam, reor fore aliquod opere pretium, & ad hujus materia explicationem accommodatum æquè ac fructuosum.

(a) Cornel. lib. 3. Reg. 6.7. (b) Anno. M D C VII. Pauli V. tertio. Herbipolis in Franconia,

ARTICULUS I.

Ingressus in rem.

MNEMOSYNON MAGISTRI VALEDICENTIS.

BONUM habetote animum, Discipuli mihi percaro.

*In manibus terræ non hic vos carmine longo,
Atque per ambages, & longa exorsa tenebo
Faciam hodie, quod peregrè abeuntes
solent,*

7:4 OPUSCULUM VII. SERMO XII.

solent, qui familiaribus, & domesticis vno alteroue
 verbo symbolum amoris relinquunt, faciam, quod pa-
 rentes amantissimi, qui discedentibus filijs præcepto-
 rum suorum iliadem vnius sententiolæ nucleo inclu-
 dunt; faciam quod Principes, qui proficiscentibus ad
 legationem fidis consiliarijs suis, multiplicia mandati
 vnius nominis sui signo in chartâ virgine exprimum;
 faciam quod mercatores industrij & trapezitæ num-
 mularij qui, ut loquuntur, in summa summarum
 paucis redigunt rationes pecuniarias, multis numero-
 rum cifris Arabicis expressas; denique faciam, quod
 morituri, qui testamentum condunt, & voluntatis vi-
 timæ epitomen, allegata quam plurima brevissimè in
 codicillo ponunt. Itaque, non nisi tribus verbis, amo-
 riserga vos mei tesseram, mandatorum meorum volu-
 men, denique, voluntatis extremæ decreta multiplicia
 exprimam, GLUTINO BONUM EST. Dicam hoc paullo
 clarius. PER VENIMUS hodie ad metam, non tam Cur-
 sus Philosophici, qui metam non habet, cùm vel in or-
 bem eat gyro continuo, vel immensum extensus sit ab-
 que termino, quam Prælectionum nostrarum, quibus
 & nisi eundem apponere epilogum, quo Philoso-
 phiam suam signavit Aristoteles, parum viderer, alijs
 fortasse facere Peripateticè; &, nisi ad hanc Metam,
 tanquam ad Rupem inconcussam immobilemque vo-
 agglutinaré, ut tuti sitis, inter tot maris turbulentissimi
 alternis æstibus reciprocantes fluctus, qui hinc abeun-
 bus imminent, parum mihi viderer facere

Christianè, ac minus, quam parum
 Religiosè. Hoc igitur
 agamus.

os (o) os
S

ARTI.